

दिनांक : 20.01.2026

समय : 18.45 बजे

- नितिन नबीन भारतीय जनता पार्टी रा नुवा राष्ट्रीय अध्यक्ष चुण्या गया-प्रधानमंत्री नरेन्द्र मोदी समेत न्यारा-न्यारा नेतावां बधाई दीं
- निर्वाचन आयोग री कानी सूं 'लोकतंत्र और चुनाव प्रबंधन माथे राखी ज्यो तीन दिन रो अंतर्राष्ट्रीय सम्मेलन काले सूं दिल्ली मांयं
- राजस्थान कर्मचारी चयन बोर्ड री बरस 2018 री तीन भर्ती परीक्षावां मांय धांधली रे मामले मांय एसओजी पांच जणा ने गिरफ्तार करयों
- प्रदेश मांय 23 जनवरी सूं ग्राम उत्थान शिविरां रो आयोजन कर्यो जावेलं

000

नितिन नबीन भारतीय जनता पार्टी रा राष्ट्रीय अध्यक्ष बण गया हैं नुवी दिल्ली मांय भाजपा मुख्यालय मांय संगठन पर्व रे मौके पर पार्टी रा राष्ट्रीय रिटर्निंग अहलकार डॉ. के. लक्ष्मण वां रा नाम री घोषणा करीं नितिन नबीन बधाई देवता थकां प्रधानमंत्री नरेन्द्र मोदी ने पैली आळा सगळा अध्यक्षं रे योगदान रो अभिनंदन करयों श्री मोदी कयो के नितिन नबीन पेल्या भी आपरी सगळी जिम्मेदारियां ने बखूबी निभायो हैं

.....

नुवा चुणी ज्यो राष्ट्रीय अध्यक्ष नितिन नबीन ने इण पद माथे पहुंचणे रो मौको देवण खातिर प्रधानमंत्री मोदी रे प्रति आभार जतायों वणा पार्टी अध्यक्ष रे रूप मांय चुण्या जावण खातिर दूजा आला भाजपा नेतावां ने भी धन्यवाद दियों

.....

प्रदेश रा मुख्यमंत्री भजन लाल शर्मा नुवा चुण्यी ज्यो राष्ट्रीय बीजेपी अध्यक्ष नितिन नबीन ने बधाई दीं वणा दिल्ली मांय मीडिया सूं बणतळ रे चालता कयो कि श्री नबीन री अगुवाई मांय पार्टी ने मजबूती मिलेळी अर राष्ट्रवाद री भावना ने बधावो मिलेलां

000

निर्वाचन आयोग री कानी सूं राखी ज्यो 'लोकतंत्र और चुनाव प्रबंधन अंतर्राष्ट्रीय सम्मेलन काले सूं दिल्ली मांय सरू हो रियो हैं तीन दिन रे इण सम्मेलन मांय राजस्थान रे निर्वाचन महकमा री कानी सूं "चुनाव, मीडिया और मतदाता जागरूकता" विषय माथे कर्या गया नवाचारां री प्रस्तुति दी जावेलीं मुख्य निर्वाचन अहलकार नवीन महाजन बतायो के इण सम्मेलन खातिर क्रोएशिया अर कज़ाख़स्तान राजस्थान रा पार्टनर देश व्हेलां ओ वैश्विक आयोजन दुनिया भर रे 40 देशां रे विशेषज्ञां रा अनुभव साझा करण खातिर एक मंच प्रदान करेलां

000

संसदीय कार्य मंत्री जोगाराम पटेल कयो के आवता 28 जनवरी सूं सरू होवण वाळा विधानसभा रो बजट सत्र राजस्थान रे विकास खातिर एक नुवो 'माइलस्टोन' साबित व्हेलां आज जयपुर थापित भाजपा प्रदेश कार्यालय मांय जनसुनवाई रे पाछे वणा मीडिया सूं बणतळ भरोसो जतायो के मुख्यमंत्री भजनलाल शर्मा री अगुवाई मांय आ बजट प्रदेशवासियां री अपेक्षावां ने पूरो करेलां

.....

श्री पटेल विपख सूं सदन री गरिमा बणाये राखणे अर विकास रा मुद्दा माथे सकारात्मक मदद री अरज करीं

000

राजस्थान प्रदेश कांग्रेस कमेटी रा अध्यक्ष गोविन्द सिंह डोटासरा राज्य सरकार माथे पंचायती राज चुनाव प्रक्रिया माथे हस्तक्षेप करणे रे आरोप माड्यो हैं जयपुर मांय मीडिया सूं बळतण मांय श्री डोटासरा कयो कि प्रदेश मांय पंचायती राज चुनाव ने 'हाईजैक' कर्यो जा रियो हैं वणा आरोप माड्यो कि नियमां रे मुजब 7 जनवरी तांई वाडां रे पुनर्गठन रो आखिरी प्रकाशन होवणो हो, पण अबे तांई ओ काम पूरो नी हुओ हैं

.....

000

राजस्थान कर्मचारी चयन बोर्ड री बरस 2018 री तीन भर्ती परीक्षावां मांय धांधली रे मामला मांय एसओजी कार्रवाई करीं अतिरिक्त महानिदेशक विशाल बंसल आज जयपुर मांय बतायो कि सुपरवाइजर, प्रयोगशाला

सहायक अर कृषि पर्यवेक्षक भर्ती मांय ओएमआर शीट रे डाटा सूं छेड़छाड़ रा आरोप मांय बोर्ड रा तकनीकी प्रमुख संजय माथुर समेत पांच लोगां ने गिरफ्तार करयो गयो हैं श्री बंसल बतायो कि अबे ताई री जांच मांय पतो चाल्यो है कि कंप्यूटर सिस्टम मांय वास्तविक डेटा बदल र अभ्यर्थियां रा अंक बधाया गया हां एक मामला मांय अभ्यर्थी रा 63 अंकां ने बधार 182 अंक दर्शाया गयां ए.डी.जी. बंसल बतायो कि चयन बोर्ड कानी सूं ओएमआर शीट री दुबारा जांच करावण सारू इण मामला रो खुलासो व्हीयो हों

000

राज्य मांय आज घणा कोहरा रे कारणे व्हीया न्यारा-न्यारा सड़क हादसां मांय आठ जणा री मौत व्हेग्यी अर केई जणा घायल व्हे ग्यां जोधपुर-जैसलमेर राष्ट्रीय राजमार्ग माथे केरू रे कने बस अर ट्रेलर री टक्कर मांय गुजरात रा 4 श्रद्धालुआं री मौत व्हे ग्यी अर 20 सूं बत्ती जणा घायल व्हे ग्यां अ श्रद्धालु रामदेवरा सूं दर्शन करर लोट रिया हां वठी ने जयपुर-दिल्ली राष्ट्रीय राजमार्ग माथे चंदवाजी कने एक कार अर कंटेनर सी टक्कर मांय तीन जणा री मौत व्हे ग्यीं कोटपूतली-बहरोड़ रे बानसूर मांय भी वाहन री टक्कर सूं एक जणा री जन चली गई

हनुमानगढ़ रे रावतसर मांय भी कोहरे रे कारणे बस अर ट्रक री टक्कर मांय 24 जातरी घायल व्हे ग्यां

000

जोधपुर पुलिस एक मोटा अंतर्राष्ट्रीय साइबर धोखाधड़ी गिरोह रा भंडाफोड़ करता थका करीब 1100 करोड़ रुपया री ठगी रा मामला मांय छह आरोपियां ने गिरफ्तार करयो हैं पुलिस आयुक्त ओमप्रकाश बतायो कि ओ गिरोह भारत सूं फर्जी सिम कार्ड कंबोडिया भेज र वांणे सूं ऑनलाइन ट्रेडिंग अर इन्वेस्टमेंट स्कैम चला रिया हां जांच मांय करीब दो लाख तीस हजार सिम रा डेटा मिल्या है, जिण मांय सूं 36 हजार सिम कंबोडिया मांय चालू हीं गिरोह रा सदस्य सिम बेचण वाळा रे जरिये दूजी सिम ले र वां ने विदेशां मांय बैट्या ठगां ने पहुंचाता हां पुलिस विदेशी आरोपियां रे खिलाफ लुकआउट सर्कुलर जारी करयो हैं

000

प्रदेश रा दो हजार 839 गिरदावर सर्किलां माथे 23 जनवरी सूं ग्राम उत्थान शिविरां रो आयोजन करयो जावेलां ऐ शिविर ग्लोबल राजस्थान एग्रीटेक मीट-2026 री पैली तैयारी रे रूप मांय दो चरणां मांय राख्या जावेलां पहलो चरण 23 सूं 31 जनवरी ताई अर दूजो चरण 1 सूं 9 फरवरी ताई चालेलां आं शिविरां मांय कृषि, पशुपालन अर ग्रामीण विकास समेत 12 महकमा री योजनावां रो फायदो एक ही जगह माथे दियो जावेलां इण रे तैत तारबंदी, सौर पंप संयंत्र, साइल हेल्थ कार्ड अर प्रधानमंत्री आवास अर दूजी योजनावां रे तैत मंजूरी दी जावेलीं

000

गणतंत्र दिवस रे मौके माथे राजस्थान पुलिस रा 45 अहलकारां अर कर्मचारियां ने विशिष्ट सेवावां खातिर सम्मानित करयो जावेलां पुलिस महानिदेशक पुलिस राजीव कुमार शर्मा पुलिस मुख्यालय मांय राखी ज्या जळसा मांय अ पदक अर प्रशस्ति पत्र प्रदान करेलां महानिदेशक एसीबी गोविन्द गुप्ता, अतिरिक्त महानिदेशक एस. सेंगाथिर, बिपिन कुमार पाण्डेय अर आलोक कुमार वशिष्ठ समेत केई आला अहलकार इण मांय भेळा हैं न्यारी-न्यारी रैंक रा पुलिस अहलकारां रे साथे-साथे 16 मंत्रालयिक कर्मचारियां ने भी वां रे सराहनीय काम खातिर प्रशंसा-पत्र दिया जावेलां आ अहलकारां ने केंद्रीय गृह मंत्रालय कानी सूं मंजूर सेवा पदक अर डीजीपी डिस्क दी जावेलीं

000

डाक महकमो देशभर मांय 888 ए.टी.एम. चालू कर र आपरे एटीएम ढांचे ने मजबूत करयो हैं संचार मंत्रालय बतायो के आ एटीएम रे जरिये ग्राहक नकदी निकाळ सके है, बैलेंस देख सके है अर दूजा जरूरी लेन-देन कर सकें अ पहल खास रूप सूं ग्रामीण अर दूर-दराज रा खेतरां मांय रह रिया लोगां खातिर फायदेमंद हैं

000

राष्ट्रीय औषधीय पादप बोर्ड थार खेतर रा छह प्रमुख औषधीय पौधां माथे अनुसंधान खातिर कृषि विश्वविद्यालय जोधपुर ने एक करोड़ 20 लाख रुपया री परियोजना मंजूर करी हैं इण पहल रे तैत शंखपुष्पी, अश्वगंधा अर गुग्गल री उन्नत किस्म विकसित करी जावेलीं जोधपुर मुख्यालय रे साथे बाड़मेर, फलौदी अर नागौर मांय भी परियोजना रो काम होवेलां इण परियोजना रो लगस पश्चिमी राजस्थान रा लगेटगे 2000 काश्तकारां ने प्रशिक्षण अर बेहतर बाजार मुहैया करा र वां री आय मांय बधोतरी करणो हैं

000

राज्यपाल हरिभाऊ बागडे आज जयपुर थापित लोकभवन मांय 'आदिवासी युवा आदान-प्रदान कार्यक्रम' रे तैत न्यारा-न्यारा राज्यां सूं आया युवावां सूं संवाद कर्यो इण मौके माथे वणा आदिवासी युवावां सूं हेला कर्यो के वे उच्च शिक्षा प्राप्त कर र प्रशासनिक अर दूजी उच्च सेवावां मांय जावण खातिर जतन करे श्री बागडे युवावां ने नशे सूं दूर रहणे री सलाह देता थकां कयो कि शिक्षित अर नशामुक्त युवा ही समाज ने आगे ले जा सके हैं गृह मंत्रालय कानी सूं राखी ज्या इण कार्यक्रम मांय ओडिशा, छत्तीसगढ़ अर झारखंड समेत केई राज्यां रा युवावां आपरी सांस्कृतिक प्रस्तुतियां दीं

000

प्रदेश मांय ध्यानजोग काम करण वाली न्यारी-न्यारी हस्तियां ने गणतंत्र दिवस माथे राष्ट्रपति भवन मांय होवण वाळे 'एट होम' जळसे खातिर बुलायो गयो हैं पाली रा समाजसेवी डॉ. वैभव भण्डारी भी आ अतिथियां मांय भेळा हैं वां ने 'वॉइस ऑफ रेयर' जेडा राष्ट्रीय अभियानां रे माध्यम सूं दुर्लभ रोगां सूं पीड़ित लोगां री आवाज बुलंद करी हैं वांणे कानी सूं राखी ज्या दिव्यांग बाल मेळो ने 'एशिया बुक ऑफ रिकॉर्ड्स' मांय जगह मिळी हैं डॉ. भंडारी ने बरस 2022 मांय 'सर्वश्रेष्ठ दिव्यांगजन' री श्रेणी मांय राष्ट्रीय पुरस्कार मिल चुक्यो हैं

000